

渾源州續志

渾源州續志卷六

人物 一

政事

栗恭勤公

渾源州續志

卷六

目錄

一

渾源州續志

調署渾源州知州豫章賀澍恩纂修

人物

自昔人物之生係於運數雖山川毓秀有不可得而
強者觀舊志所列惟金元明數人至

盛朝而英傑挺生遠邁前代如栗恭勤公之生爲名宦沒
爲明神其尤卓犖絕特者也繼此栗方伯之政績張
太僕之忠勤馮太僕之殉寇難皆煜赫照人耳目所
現在官者則張貽山觀察以掾曹宣猷川蜀其仲叔

渾源州續志

卷六

人物政事

一

平侍御由詞館顯聲臺諫指陳時弊發於盡誠每
俞旨允行休烈方未艾若夫政事文章名位弗顯都人士
所共尊推實足維持風教者皆訂列焉續人物

政事

賜諡恭勤 贈太子太保銜河東河道總督栗公

國史列傳

栗毓美山西渾源人嘉慶六年拔貢七年
朝考二等以知縣用分發河南二十年署甯陵縣知縣
二十一年丁父憂二十四年服闋仍赴河南道光元

年二月署武陟縣知縣十月河東河道總督嚴烺上其防汛出力功得

旨以同知直隸州儘先升用先換頂帶二年六月以購辦稽料稽遲褫升銜頂帶停升尋以辦理堵合妥速得旨開復三年正月實授十月遷光州直隸州知州四年升汝甯府知府五年調開封府知府九年正月擢糧鹽道十月調開歸陳許道十年授湖北按察使十二年升河南布政使十四年七月以捐資助賑下部優敘尋護理巡撫九月奏桐柏縣查鹽公廠二處實屬虛

渾源州續志

卷六

人物政事

二

糜請卽裁撤

從之十五年五月擢河東河道總督七月奏原陽文河情形略曰北岸黃沁衛糧二廳黃水漫灘而黃沁原武七堡一帶尤爲喫緊河勢北臥漲水蓋灘而來原武七堡以下進水更形湍急下達衛糧境陽武汛內隄工亦爲喫重除慎守大隄別無良策其切近順隄河之處自原武十五堡至陽武十七堡多有迎溜頂衝形勢現先搶辦隄南靠壩又於隄北及原武隄北幫創並該汛及原武隄南估築土壩十八道俾免順隄

鑲埽險而多費兩汛向無埽工應卽收買堆貯備防
總之兩廳灘水串溝久爲隱患蓋因地居上流青峰
廣武兩山遙峙對束出山之水勢最猛驟而原武之
河灘皆係坡形故一遇盛漲最低處所遂卽刷成溝
槽串至順隄河內險無定所卽上流武陟滎澤各路
無不匯注合流是以溝形浩瀚竟同河形現在晝夜
督辦已堵斷合流並繪圖貼說以進八月奏言連日
水勢僅長尺餘而王屋莊進水之口較前更寬百餘
丈總由中浚大灘益向南淤溜卽南緩而北緊南股

正河成爲迂道北股之溜勢轉建瓴至大河中浚淤
灘之故由廣武山前老灘塌去一千餘丈河溜先向
山根裏臥爲山所遏折回東北中浚遂挺生淤灘此
河勢之變遷皆由出山處所先有變遷之原委也前
奏應辦物料係就近頂衝迎溜處所爲急則治標之
計今水口旣日見刷寬又何敢但求撙節貽誤事機
通盤籌畫從省估計約需銀十餘萬兩請將兩岸各
廳應估來年土工稍可緩者酌量裁減先儘黃衛兩
廳估辦其稽料麻土工稍可通融者亦浥彼注茲

以免專案請

帑至原陽兩岸隄根已被水漫嗣因沿陂試拋甄塊深資俛護月石壩堵合加高幫寬池下楊封封邱二汛灘水均已停淤壩下七十餘處村莊居民亦得安堵惟串溝分溜關繫北岸全局斷不能緩至來年興工現已借撥銀八萬兩仍俟霜降後於請撥各廳土工銀內如數劃還則錢糧並無加增而要工得免貽誤如所請行尋以支河危險用甄拋護化險爲平入告上嘉其辦理妥速仍

渾源州續志

卷六

人物政事

四

命詳細籌畫尋偕河南巡撫桂良會勘以支河分溜已至六分甄土各壩未可深恃請款貯料備防

從之十六年四月以甄工試有成效請照時價覈明報銷下部議行十月奏運河廳所屬魚臺汛河道八十餘里兩岸官隄日形殘缺間有民堰亦甚卑薄夏秋盛漲河湖相連糧船不能通緯挽運遲延請將民堰改歸運河廳於一年內借款修竣復以各員承修閘座保固僅限三年故敢於輕率從事請於例限之外再令保固三年均

從之十七年三月奏稱前在豫護撫篆時見速戰陣法聲勢聯絡洵稱勁旅濟城界接兗曹宵小易於出沒從前金鄉曹縣匪徒滋事濟城有兵力防護得以安堵地方既關緊要操防尤宜講求請以實在城兵一千一百餘名內挑選六百三十六名分別各隊操演兼習速戰陣法並咨取熟諳武弁教習

上嘉之十八年七月奏請多備土工以固根本略言豫東黃河地居上游向無閘壩分洩全賴隄工高厚方資抵禦本年大汛沁黃洛河接時並漲今雖已設法疏

渾源州續志

卷六

人物政事

五

防而隄壩實形卑薄亟應分別估辦以爲來年修守之資今擇其首要工段萬不可緩者豫省十三廳東省兩廳估需銀兩請卽於兩省藩庫撥給以便交春興工其次要工歸來年估辦者亦賴先事豫籌請於來年二月興工時再由藩庫借銀十萬兩務使一律完竣以防大汛如所請行時因雨澤偶稀漕艘輒阻嚴飭毓美於回空後實力籌辦尋疏陳瀦蓄濟運事宜六條一責成州縣疏濬濬泉源遴委幹員估挑河渠一濬各湖進水渠道一微湖水短應由江南駱馬諸湖導

引以歸樽節一微湖節水應遲啓湖口雙閘以免消
耗一臨清甌板二閘應嚴板少啓以節汶流而速漕
運一曹州濟甯應擇要估濬河渠以暢來源得
旨籌議尙屬周妥飭屬照辦十九年二月奏豫籌微湖收
納運水請於重運過竣後不必拘定例消存丈尺之
數但計水存一丈三尺以內卽築壩收水又以汶河
淤墊旁洩過多請酌量加高戴村壩以期攔蓄得力
均如所請行先是毓美奏甌工屢著成效請設壩燒
造得

渾源州續志

卷六

人物政事

六

旨允行御史李莼疏其不便

上命偕工部尙書敬徵往勘至是會奏請改辦碎石停止
置壘三月毓美復奏言自來言治河者謂明險易治
暗險難防暗險者卽隄前之串溝最爲可慮者也豫
省歷次失事皆在無工處所實因兩岸隄長千里未
能處處籌備一旦河勢變遷兼以風狂雨驟輒倉皇
失措幸而搶護平穩而掃工非數萬金十數萬金不
能濟事古人鑲埽亦不得已而用之耳蓋鑲埽引溜
生工久爲河工所戒在明白工程者原不肯輕率從

事而昧於機宜者遂謂非此別無良策伏查北岸爲運道所關往者原陽分溜幾至掣動全河若非用輒拋護費何可以數計今祥符下汛並陳留一汛灘水串注隄根察其形勢正與北岸相同濱河土民多有呈請用輒者蓋有見於輒工之得力涸復農田不下萬頃其爲保衛田廬情至切也夫事之有利於民者斷無不利於

國特事近於創難免浮言前南河用石之始眾議紛如良由工程平穩用料減少販戶不能居奇而游客幕

渾源州續志

卷六

人物政事

七

友見工簡務閒不能幫辦謀生是以妄生浮議並稱東河漫決皆由不用碎石之故賴

聖明獨斷

勅下東河試辦至今永慶平成惟自拋用碎石後請銀幾七十餘萬兩後將每年添料改辦六成碎石雖未專案請銀然因購石不易埽段愈添愈多經費仍未能節省自試辦輒壩以來三年未生一新工較十一年至十四年共節省銀三十六萬兩蓋由豫省情形與江南不同產石之地祇有濟原鞏縣必須春末夏初

方能運到工次甄則沿河州縣每處民窰不下數十座隨地隨時皆能應手可以無誤事機且石性滑入水易於流轉甄性澀入土卽黏卸成坦坡自能挑遠溜勢至每方甄塊各廳均係價銀六兩石價則自五六兩至十餘兩不等方價旣大小懸殊而碎石大小不一堆垛玲瓏半屬空虛尺甄一千塊爲一方平鋪計數堆垛均實石每方重五六千斤甄每方重九千餘斤是一方碎石之價可購兩方之甄而拋一方之甄又可當兩方碎石之用也咨調南河弁兵來豫帶

同查驗甄工僉稱與南河土壩包石無二而甄壩不更堅於土壩乎或謂甄可以治將生未生之工不可治已生已成之險不知杜一將生未生之工卽少一已生已成之險或謂甄塊入土易於損裂不知拋成甄壩一經淤泥卽已凝結嘗見井中之甄因得水而更堅現在收買民甄多有淤入泥土者皆完整如故或謂拋築甄壩近於與水爭地不知隄前之地尺寸在所必爭自來鑲埽之法隄前必先築土壩數十丈然後用埽鑲護甄壩則無須乎埽師土壩之意不泥

其法拋作坦坡大溜自然外移未有可築土壩而不可築甌壩者又所占河面無幾安得有與水爭地之患夫隄前水深則險水淺則平水近則險水遠則平自拋築甌壩凡隄前水之深且近者莫不淺且遠前尚書敬徵來豫據道廳密稟謂用甌辦險工究未可以深信亦因連年水小未敢自謂必可施行今道光十八年盛漲較之二年及十二年尤爲猛迅甌壩均屹立不移並未出險生工可知雖遇大水亦能抵禦得力且上年春間儀睢廳秋間中河廳河水下卸塌

灘匯壩搶鑲埽段旋即走失用甌拋護均能穩定是用甌搶辦險工較鑲埽更爲便捷今兩岸文武員弁均已深信不疑而急公之員尚有自行捐辦者天下事可與樂成難於圖始大抵皆然竊聞衡工之失事也因灘面不能鑲埽及塌至隄根而已不可治馬工之失事也因串溝塌隄過水其始僅涓涓細流求碎石不可得卒成口岸惜未籌及於甌可代石也現在各廳有工之處皆易爲力惟無工之處串溝隱患必應未雨綢繆今若於黃沁下南豫貯甌塊則可有備

無患至於應貯之軛無論新舊仍令向民間採買不
必廳員燒造此外亦別無流弊疏入

諭曰軛工得力省費搶辦險工較鑲埽更爲便捷且較石
價多寡懸殊又所占河面無幾不至與水爭地該河督
旣確有把握朕卽責成辦理總期行之無弊方爲不負
委任八月奏本年黃河異漲大隄急應加高請借土工
銀十八萬兩經部議駁尋復奏言土工爲修防根本
前者籌議辦軛減埽卽請以減辦埽工之銀爲添辦
土工之用誠欲隄工增高培厚異漲永不爲患始可

渾源州續志

卷六

人物政事

十

爲經久不敝之基本年正月查工因見水漲較早又
由道庫墊發銀十萬兩將庚子土工豫竣迨立秋前
後歷經異漲向非早爲籌備已不免泛溢爲災是豫
備庚子年之工己亥年先收實效來年汛期大小無
定何可不先事籌防惟部臣所駁爲按年報銷起見
所請分年帶銷自應遵照停止今請於豫省藩庫提
借土工銀十二萬兩其不敷六萬兩卽由道庫籌墊
俟來年估辦辛丑年土工分別陳請撥還則於錢糧
並未增添於款目毫無轉轍於要工得資備防

特旨允行十月請將添購四成防料銀五萬五千餘兩改辦甌塊復附奏曰考治河諸書從前係用捲埽之法並有竹絡木困甌石柳葦自用料鑲埽則以稽料爲正宗而險無定所亦無一勞永逸之計緣鑲埽陡立易於激水之怒其始水深不過數尺鑲埽亦不過數段迨至引溜愈淘愈深動輒數丈無工變爲險工於是溜勢上提必須添鑲溜勢下坐必須接鑲久之而片段愈長防守愈難爲力豫東土性浮鬆水及隄身不能不用料鑲護新工既生日久亦形勞費近來錢

糧按年比較不敢多於增添而埽工無法減少不得已而減土工少購碎石皆爲苟且因循之計於修守更無實濟自試拋甌壩或用以杜新工或用以護舊工無不著有成效本年三月爲籌防黃河下南廳串溝復請購買甌塊故雖伏秋異漲爲數十年所未有而化險爲平固賴隄身加高亦由兩岸各廳無塌灘潰隄出險生工之處則甌工之力也不特可資經久與稽料大相逕庭而堆貯之處並無風火堪虞是兩岸兵民共知共見倘從此工固瀾安益復培增土工

專用力於根本之地則既可以免漫溢之患亦保無衝決之虞矣

允之二十年正月

計典甄敘

上以毓美慎厥修防安瀾奏績下部議敘尋

命吏部尚書恩桂等赴豫查驗料塚查出曹河廳料塚丈

尺觔秤墊耗短少請將毓美交部議處部議降二級

留任二月卒

諭曰河東河道總督栗毓美慎厥修防安瀾奏績本年京

渾源州續志

卷六

人物政事

十二

察特予交部議敘河工劇要倚畀方深遽聞溘逝殊深

悼惜著加恩賞加太子太保銜照總督例賜卹任內一

切處分悉予開復應得卹典該衙門察例具奏伊次子

栗燿著加恩賞給進士服闋後一體殿試尋

賜祭葬如例諡恭勤二十一年入祀名宦祠子烜現官安

徽廬州府知府燿候選內閣中書

御賜祭文

維道光二十年歲次庚子十一月丁亥朔越十三日

庚子

皇帝遣山西大同府理事同知興齡

諭祭於晉贈太子太保銜河東河道總督栗毓美之靈曰
朕維河流順軌宣防重匡濟之才海若安瀾疏淪仰懷柔
之績旣懋勳庸於冊府宜施寵錫於泉壚芳薦攸陳榮綸
載賁爾晉贈太子太保銜原任河東河道總督栗毓美秉
資剛幹植品端方始小試於中州疊膺薦剡爰剖符於南
豫屢著循聲荷丹綸紫綬之重申厯翠柏紅薇而疊晉宏
材茂煥久邀特達之知水利夙諳聿重修防之任嫺泄滯
通渠之法四瀆安流策導源陂澤之功九州底績風清竹

渾源州續志

卷六

人物政事

十三

箭消雪浪於蕩平地固苞桑速雲臚之轉運嘉乃濬川之
力倚任維殷當茲考績之年殊恩載沛方冀永資夫擘畫
豈意遽悼夫淪沮類已胥蠲卹典藉褒夫蓋愀諡由特錫
宮銜兼示夫殊施爰薦琚筵式頒玉醴於戲膺隄防之重
寄欣聞清宴之休表利導之殊勛用展苾芬之薦靈其不
昧尙克欽承

御賜碑文

疆宇職崇保障得人昭底定之庥朝廷勳獎疏排樹碣隆
飾終之典惟植品無慙於柱石斯旌功倍著於旂常載錫

絲綸俾光泉壤爾晉贈太子太保銜原任河東河道總督
栗毓美持躬端謹任事真誠拔從山右之英命作河陽之
宰初遷階於州署防汛敘功繼剖篆於郡齋會垣領守迨
被繡衣而司糧運旋移英蕩而及河工來楚北以提刑譽
稱嗣允轉嵩陽而敷政業著屏翰乃由承宣中土之司遂
膺持節總河之命籌工備稽期不踰夫始霜濟運疏淤候
先乘夫未雨節財而帑歸實用率屬而功鮮虛邀合兩地
以兼防箭流永靜計五年之莅任瓠子無虞頃當察典以
酬庸方資倚畀詎意積勞而成疾頓悼淪徂爰考彝章特

渾源州續志

卷六

人物政事

十四

頒優卹憫其劬瘁諡以恭勤引一品兼圻之例銜晉端闈
著千秋樹石之輝文垂寶翰生前望議念勳而悉追鐫階
膝下推恩賞世而齊榮題塔聿彰異數用表貞忱於戲績
懋東河藉慰廛懷於磐奠恩敷北闕永垂偉略於碑銘勛
爾後昆昭茲來許

栗恭勤公神道碑銘

賜進士出身資政大夫前 日講起居注官翰林院侍讀
學士加五級南昌彭邦疇撰文

賜進士出身光祿大夫 經筵講官戶部尚書 南書房

翰林軍機大臣加二級壽陽祁寯藻書丹

賜進士出身光祿大夫 太子太保 予告大學士前

經筵講官 南書房翰林管理兵部事務加三級儀

徵阮元篆額

道光二十年二月十有八日河東河道總督栗公以

巡河勞瘁致驟疾薨於河南鄭州行館事聞

上震悼奉有持躬端謹辦事實心之

諭

加太子太保銜

渾源州續志

卷六

人物政事

十五

賞其次子舉人耀爲進士下部議卹議上

予諡恭勤

賜祭葬先是正月舉行

京察大典公與樞廷同邀議敘直省大吏惟兩河臣知

上之垂注於疏濬者深矣次年七月孤烜等奉公匱歸葬

於州城東北之官台原林少穆督部已銘其藏茲以

墓道之文見屬余與公爲同歲生公之治河剏拋甌

法曾以書來商榷者再余爲引申其說公以爲知言

是不可辭按狀公諱毓美字含輝號樸園先世居山

西代州繁峙縣明季被兵高祖有庫始遷大同之渾源州故公爲州人曾祖英祖德本讀書不仕世有隱德考渥廩貢生候選訓導妣白氏繼母孫氏皆以公貴

贈封如例公生而穎異年十七補博士弟子員二十四充嘉慶辛酉科選拔貢生恭應

朝考以知縣用籤分河南初補甯陵再補武陟若溫縣原武孟縣安陽河內西華淇縣修武攝篆八邑皆有政聲凡歷親民之官者二十二年至道光癸未升光州

渾源州續志

卷六

人物政事

十六

直隸州知州越歲卽授汝甯府知府調開封府升河南糧鹽道調開歸陳許兵備道庚寅擢湖北按察使壬辰擢河南布政使甲午護理河南巡撫乙未授河東吳道總督綜公宦蹟四十年中惟在湖北兩年餘與河南相終始蓋司牧旣久周知利弊逮履乎其任直舉而措之耳而自監司以來不十年晉階極品亦其素所儲蓄者裕也且公之治河不自任河督始其知武陟也修沁隄協辦馬營壩堵合韓村漫口其轉運也建三清濟運之議其任方伯也適祥符下汛有

塌陷處時撫軍入闈河道俱公出公卽率廳員
趕築柳壩護保無虞應變之才先見於此而以輒代
埽之法於武陟濬濠及承挑賈魯河時見遠年舊輒
沙泥浸灌斧鑿不能入已留意及此矣天下事可與
樂成難於慮始方公之勗建輒壩也咸以爲口實卽
幹練工員亦不無疑懼公力排浮議試行悉臻穩固
而論者尤謂爲倖成恐盛漲時前功盡棄蓋料販石
工無由獲利爲之騰謗於工次而浸聞於京師致御
史叅駁使者勘臨曾不能抵其罅隙不得已以新輒

渾源州續志

卷六

人物政事

十七

質嫩暫停燒造爲言公亦雅不欲與人爭勝遂合辭
入奏至十八年疊遇險工輒壩均圮立不動眾心胥
服而公亦確有把握乃摠誠具疏敷陳利害

聖心爲之洞悉前議始行夫輒與石無二致也碎石坦坡
之說行之久矣不知運石遠而輒近取石難而輒便
購石昂而輒廉石入水而滑輒入土而凝石經時而
漸泐輒歷久而彌堅且料可架空而輒之尺寸不能
紊埽可走失而輒之融結不能移此其固工節費亦
大彰明較著者然必持之久而後定治事之難可勝

慨哉至濟運之法以濬泉瀦水築隄通緯爲要務而潦
不洩水以淹民田旱不閉閘以妨農事尤兢兢致意
焉溯自莅任屢慶安瀾經費節省至百餘萬之多宜
上之軫念於無窮也比公歿而祥工之役興矣蓋公之立
心以誠任事以勇體國以忠愛民以實雖危疑震撼
而不爲之搖險阻艱難而不爲之奪及臻厥成晏如
也至其任地方禮先賢旌節孝周士類恤民隱嚴保
甲急災賑決疑獄掩遺殫美不勝書故公歿後所至
之地咸立專祠濟甯州則士民與兵丁分建若欲求

渾源州續志

卷六

人物政事

十八

庇其所私者自非入人也深何由得此而甯陵附祀
呂新吾先生祠襄城附祀湯文正公祠則理學名臣
一身兼之矣河南會城西北之張家灣向無工段公
先於附近間築甃壩歿之前歲周覽至是謂將生險
工謀俟春融增築而公不及待比祥工漫口河溜直
衝城幾不保正危急間官吏憶前所示方略因默禱
於公果著靈貺仍賴舊壩稍殺其勢城乃獲全於是
萬口同聲以公爲河神肖像以祀且達於

聖聽雖杳冥之說儒者不言要其聰明正直而壹生爲英

歿爲靈亦有功於民以死勤事之義歟附表諸墓俾
後之景仰者知公之體魄在是而神固周行天下也
懿哉爲之銘曰恒山極天高峩峩龍泉風虎星駢羅
磅薄積氣鍾靈多偉人特起扶皇柯寰中巨患陽侯
波孳芟下楛徒奈何公奮勇力驅蛟鼉以甃代石無
殊科物窮必變理則那聞者咋舌惟媿嬰疏寫終使
馮夷和

九重倚昇神護呵功成廟食民登歌巫陽下招眾滂沱雲
車風馬來游河玉纓瓊弁垂髣髴靈蚘蜿若綴佛螺

渾源州續志

卷六

人物政事

十九

幽宮雖闕光自它佳城式卜山之阿豐碑屹峙文不
磨

栗恭勤公墓志銘

公諱毓美字含輝別署樸園渾源州人曾祖英祖德
本考渥皆贈如公官年十七受知於學使者戈仙舟
先生補州學生員食廩餼會稽莫公繼戈任拔充辛
酉科選貢實嘉慶五年也七年

朝考二等改知縣分發河南歷署温孟安陽河內西華
諸縣事几案明允所至有績重濬安陽萬金渠民尤

利之二十年補甯陵縣河決睢治當頂衝公親履四鄉勸減沙壓地畝額賦請蠲緩課蒔木縣榆棗興築城郭以工代賑民困藉稍蘇旋丁父憂服除仍赴河南卽署淇修武縣事河再決馬營口委勘災因留辦大工總局協放淤工程積勞加升銜道光元年補武陟縣縣負沁面黃隄卑薄不足捍大波公至則加子埏畫增築大隄策已而沁決韓村公議韓村之隄激水逆行故數敗若導沁由漫口歸故道改建新隄雖需帑較多而城邑永安酌汰防汛工員數亦適均

渾源州續志

卷六

人物政事

二十

或徙縣治甯郭驛計尤便大吏以經費有常未允也三年升光州知州四年升汝甯府知府五年調開封剖判敏幹又於其間興修貢院號舍萬間經營卮度三載乃究九年升河南糧鹽道調開歸陳許道十年授湖北按察使定讞獄章程行水保甲江溢辦賑定煮粥條規皆可法十二年授河南布政使革屬邑供應浮費於司庫收支總簿外增正襍捐寄四散冊勾稽無隱十四年正月八月兩護巡撫印務奏撤桐柏縣重設查鹽公廠十五年授東河河道總督

公久歷河干得諸目驗知失事必在無工處所北岸自武陟至封邱串溝錯出與大河通氣伏秋兩汛巨浸杳然其間衡家樓馬營工屢次漫溢糜財病民阻運所關尤鉅是年七月陽武汛池上灘水由十七堡南張庵界循舊順隄河直達封邱汛西圈堰前歸河又張庵之北舊有月石土壩本以擋串溝後因民田病潦掘斷之架木兩端導水從封邱入河積久分溜亦漸大公慮萬一張庵溝尾下移由壩口迸注則陽武以東隄愈危重因駐節壩前堵合斷流次日大風

渾源州續志

卷六

人物政事

二十一

雨外河內灘盛漲聯絡賴壩口先閉隄根停淤對岸萬家恃以安枕既乃乘小舟由舊順隄河曲折探量勘得陽武支河分溜北駛湍悍幾敵大河兩汛向未儲備稽石無高厓可倚築壩而進水之口日益濶憶前浚賈魯河及武陟城隍見輒經泥沙融結堅不可入斧鑿故於開歸道任卽捐俸購輒議將代埽及是遂令收買民輒拋壩六十餘道挑溜而南水維頓緩十六年二月復勘得陽武三堡池下支河又分兩股乃略仿塞決之法先於原陽越隄築挑水壩從南股

抽溝北岸築迎水壩格之口門將合溜忽掀涌當是時咸以爲無可展手足矣公飭急採大柳撥巨艦二倒排口門借舵作樁緯以竹纜繫大柳其上殺溜壘淤然後分路進輒力截北股仍挽歸南復於間段拋築壩朵支河距隄遂皆在七八里外矣先是在布政使任祥符三十二堡串水潰隄料物萃於黑岡公乘傳往視僉曰是非公責且可以無工解不聽命速築柳壩殺其勢或匿笑亦不顧指麾興築至七十餘丈水漸涸上游串溝儘力抵塞決竟復合凡此皆所謂

渾源州續志

卷六

人物政事

二十二

杜患於將萌者也微公漫溢之案且數生公旣灼見輒壩得力因連疏請以稽料碎石之款酌辦輒大指謂以隄束水土功乃其根本築隄宜兼築壩隄猶身壩其四腴也前人用卷埽法竹絡木困輒石柳葦同爲治河工料自鑲埽法興始專以稽料爲正則而溜趨靡常鑲埽陡立最易激水之怒溜勢上提埽之上首必須加鑲下坐埽之下首又須接鑲片段日長防守日難稽質鬆塌不三四年卽歸朽爛機宜偶舛輒成口岸夫治河不外以土制水先河臣黎世序用石

之始奏稱石爲土之剛者臣謂鍊土爲甌甌實土之
堅者石性滑易於流轉仍不免引溜刷深甌性澀與
土相膠拋壩卸成坦坡卽能挑遠溜勢况每方甌價
六兩石價自六兩至十三兩無定科豫省碎石產自
土山形質本脆及采運到工堆砌嵌空查驗不易甌
隨地皆可燒造尺甌一方以千計平鋪高疊舉目可
瞭又較量輕重甌重嘗倍過石三分之一有奇以一
方碎石之價可購兩方之甌而拋一方之甌又可抵
兩方碎石之用是用甌較之用石省帑更多也或謂

渾源州續志

卷六

人物政事

二十三

甌壩與水爭地不知埽工必先築土壩後乃加鑲
埽朽脫胎壩隨埽蟄有壩名無壩實大溜轉偏隄根
甌壩則無須埽護卽師築土壩之意而不泥其法臣
履任之初卽試行拋築杜新工護舊工五年之間攢
節埽費已百五十餘萬兩斯實效也公每有陳奏甌

蒙

嘉允工員大不便旁人亦創聞此議爭倡浮言賴

上信公深決其言必可行後卒如所請許之試行之始公
終日立泥淖中甌甫出水勢尙動搖卽率先屹立壩

頭隨時與廳員營弁講求治策於工之將生未生無不豫謀抵禦然其深意不惟節省經費已也將以埽工所節之費移而培大隄固則漫溢之患可永除宣房萬福所以爲

國家計者甚至奈何未竟其施而歿也河標黃運兩營兵專事椿埽城守兵雖習弓馬技藝陳勢亦非所嫻公惟濟甯地界曹兗宵小時竊發操防未可忽因增演三才速戰諸陳勢捐造銃礮刀予旗幟鉛丸火藥躬自教練又設義學五所令兵丁子弟讀書其中二

渾源州續志

卷六

人物政事

二十四

十年正月京察

特旨交部議敘二月十七日巡工至鄭州胡家屯多食感奇疾胸厥漏加子遽卒年六十有三遺疏入

上震悼咨惜 晉宮銜賜卹加一等 諭祭葬 予諡恭勤樞旋豫民繞紉攀號互千里不絕於是濟甯州奉木主入大王廟及任城書院甯陵縣祀於三賢祠及呂新吾祠公嘗重刻呂子書故也襄城縣祀湯公祠祥符甯陵西華武陟原武陽武安陽諸縣或愾祀名宦建專祠仁賢之實其生被之民而歿令人思也又

如此配吳夫人子男二公卒之日長子烜已由刑部
郎中截取知府 記名乃

推恩賜次子燿進士孫男三國華國賢國良以二十年七
月初七日葬州城外

賜瑩則徐前在豫稔公久謹因烜燿請撮敘其政事議
論尤大者俾丹諸石銘曰

帝任之專公肩之力財殫牽芟慮沈鍊擊五載試行厥功
已豐北流不復永式栗公

閩海林則徐頓首拜撰

渾源州續志

卷六

人物政事

二十五

栗大王廟碑

栗大王者東河總督前河南布政使渾源栗公也記
曰其有功德於民者歿則祭於社曰賢良曰昭忠曰
名宦凡所以隆廟祀者栗公舉得而祀之廟之大王
之稱胡爲乎來哉來自小民也大王河神也在國曰
河神在民曰大王河神龍屬蓋自金龍四大王始民
知大王名最尊秩最崇公之盛德至善民不能忘微
大王不足以愜其隱願者或謂名不雅馴無乃褻甚
劉子曰是奚足哉五嶽視三公禮也而道家乃尊嶽

爲帝如所稱東嶽大帝南嶽大帝西北皆爲大帝自
宋迄今無有異議昔昌黎韓子於羅池柳侯廟碑一
從柳民之志眉山蘇氏於潮州韓文公廟碑一從潮
民之志公於河南以縣令累遷刺史牧伯太守至監
司屏翰凡有便於民者罔不舉廢補遺如義學書院
創立百數捐金累巨萬立案行息資師生垂奕禩詳
見各碑記公於士民養之教之不啻赤子士民戴之
如慈父母者三十年如一日中間秉楚臬善政所感
民多尸祀時甫間寒暑耳而豫民輒引領南望爲潁

渾源州續志

卷六

人物政事

二十六

川之歌曰還我使君壬辰夏開藩下車居然詩詠適
我願兮八月八日中牟黑岡口隄將潰監臨爲楊海
梁中丞棘闈將扃而偵報疊至楊大窘公從容陳畫
曰秋試大典監臨責重河決省城將不保某請卽行
救護委員解錢二萬貫繼之公挺立隄潰處指麾巨
木排椿大樹爲埽投石填土黎明隄固而水亦落人
輒以爲神中丞據實奏

聞

上嘉乃績旋下河督之命以爲河南山東河流所經至重

至遠惟厚福者爲能鎮之當軸亦以爲非公不可公
治河五年行所無事惟乙未七月河北支流向無籌
料一旦開決巡撫某公幾罔措公謂急救之策莫如
以磚代石某難之公曰我當獨奏
聞期於利河而已非專也但得售磚 價三倍頃刻山
積隄遂無恙公奏輒爲部駁論者危之而公奏益堅
卒蒙

俞允爲例庚子中牟河決公騎箕旣逾載大溜建瓴下直
衝會城北郭不沒者僅版許波濤山壓雷轟風騰城

渾源州續志

卷六

人物政事

二十七

郭且搖搖欲崩陷當道亦僵立忽有陳公前定磚工
者中丞牛公亟下令大呼無論官民以磚來者賞且
記功又命凡屬官房垣墉權爲拆毀以供急需如公
寓覈學貢院牆壁悉毀焉中丞踞女牆手擲一磚官
吏士庶以及軍卒之屬爭擲如沙飛如雨下瞬息間
郭外添郭郭外添郭屹然巍然矣莫不同聲呼曰此
栗公之遺也故事霜降後奏慶安瀾例祀河神大內
發藏香如數擇吉具儀仗鼓吹八座如河上請某某
大王入廟遂有小金蛇長十五六寸昂首水面以盤

承之供於神座演劇輒復昂首如有聽睹說者謂此龍也中丞樂城之完也於是乎仿祀河神例歷呼大王而拜之金蛇如河上形而欲升城者然循盤而上數乃羸其一其羸者炯炯然視人若熟識彼都人士乃向神而祝曰大王得母官吾豫三十年之慈父母渾源栗公乎果爾則上吾冠中丞揖以升果舍盤而就冠中丞因民請於

朝

制曰可於是爭立廟於河上况公爲帝廷禹益始終於豫

渾源州續志

卷六

人物政事

二十八

非惟公之德澤淪浹於民心卽公之精神將無之而不與豫民接理固然也知此者謂公託物以見遂民隱也可謂公神道設教以保民命也將無不可昔者河圖出而龍負之禹治九河黃龍負舟龍之神化大則江海不能容小則如絲如髮不可測也大抵功在民者爲多初未聞龍形蛇見而屬之名公巨卿者也雖然陶唐氏有夔龍殷商有仲虺顧名以思不其然乎然而小民何知惟知公存瀾安公歿河決率公遺法而城郭完而民命保所爲盛德至善莫可形容遂

以爲公一金龍四大王而他無與倫比也於是榜其門曰栗大王廟云傳不云乎夫民神之主也大王之稱民固得而主之易不云乎九二見龍在田利見大人九四或躍在淵二之龍與君應四之龍與君近或之者疑之也然則見龍象栗公夫復何疑栗公諱毓美字含輝行一諡恭勤余旣本豫都人士廟祀栗公之志爲文以書於碑更爲迎神送神之曲以祀公詞曰 公之德兮水盈豫州之澤兮公之神兮呵護豫州之民兮公乎其來兮天上狂瀾須迴兮公乎其去

渾源州續志

卷六

人物政事

二十九

兮蓋莫不如泣而如慕兮將迎神送神羣歌以此兮雲旗風馬紛紛河之涘兮比之金龍大王公之行次其亦四兮悠悠黃河我公之廟祀其千秋而百禩兮

栗恭勤公政績行誼補遺

昔在道光庚子仲春望後三日恭勤栗公以河南山東河道總督卒於河防工次

天子嘉治河功聞之震悼

晉授光祿大夫

加銜太子太保

予諡卹

賜祭葬入祀京都名宦及本地鄉賢官其一子進士

國史既傳其烈林督部文忠爲誌墓侍讀彭公邦疇紀

大節於碑相國儀徵阮公壽陽祁公偕篆額書丹則

公之崇勲懋德固已顯當時傳後世矣嗣 公歿

後未久豫省汛防復劇正危險間官吏禱 公求佑

恍惚見有儀衛擁 公來者患遂平後每遇險工輒

昭靈應咸知爲栗大王化身撫臣先後以狀

渾源州續志

卷六

人物政事

三十

聞蒙五次

賜加封號曰誠孚普濟靈惠顯佑威顯由魯豫及直隸各

紳民皆建立栗大王廟祀享至今不衰 恩 竊讀

公家傳見嘉言懿行有未及採入史乘者因類次纂

錄俾後此紀述得詳考焉謹按

公諱毓美字含輝號樸園其先本代州繁峙人也值

明末寇亂高祖九經公以

國朝初年徙籍渾源遂爲州人代州以前世系燬兵燹

無可考遷渾後逮公五世凡三世贈如公官考資政

公雨亭歷任訓導舉嗣五長卽公也少警悟六歲工
偶句塾師以星垂天放彈命對則日月照海含珠師
奇之知必遠到九歲爲詩文尤奮筆灑灑有如宿構
嗣以廩餼捷嘉慶辛酉選拔明年

朝考引見用知縣分發河南非其夙志也公政事明練尤
精於治河故河防宣力最久功益著事詳

國史傳中公之初至河南也以吏治非夙嫻遇事講求
遂精悉利病念刑獄出入係民命剖斷尤詳審多所
平反署汝甯時信陽有劫案盜遠颺獲竊匪石麻子

渾源州續志

卷六

人物政事

三十一

等十人畏刑誣服州以獄上公察犯詞色異疑有枉
細訊果非真改輕擬旋他處緝得正盜人服其明榮
澤姚啞叭者因捉姦誤傷母死將以殺母論大辟而
犯啞不能言供時惟手作比狀鞫者不能辦公時任
開封見以三指爲七字形因訪知有叔姚七傳訊果
姚七與母姦啞叭忿姚七持刀向砍致誤斃其母獄
始得情前任修武時中牟匪黨劉順義等習拳棒謀
逆大憲檄公治研鞫尤悉惟殲其渠魁餘以次論減
全活甚眾尤善決疑獄安陽有竊賊拒殺事主後緝

獲串他盜爭認供希緩獄公察刀柄血痕係左手命
飯之見左手舉箸者一訊伏焉武陟王某於殺人案
自投作證獄七載不決適公別奉差至武陟令某邀
同訊公告曰殺人者必卽王某也命案各避累安有
自投作證者其必藉掩飾無疑因旁詰王盡吐實觀
者稱神明武陟居民張布袋毆過客王日昇死賄夏
姓頂兇訊無確據公問知死者有瘋狀口南音度必
外來遊客因訪有近村飯舖謝耀武傳查問謝肆頂
觸公察情虛另訊其妻果遠客投宿賭輸無貲情急

渾源州續志

卷六

人物政事

三十二

狂走復詰耀武知爲王日昇係浙江人而頂兇夏某
猶強認供旋詣勘察眾中有倉皇失措者詰問卽張
布袋也讞遂定西華有賣餅孩暮出不歸父母尋弗
得公往勘訊知孩出時天微雪視雪中人迹錯亂獨
距近孫某門首無行迹喚質則曰數日未出公大疑
之遂窮鞫供向幼孩賒餅不與手捺殺埋坎下出屍
則手痕宛然因論如律開封爲中州首郡宿案陳積
公矜無辜被累履任月餘悉決遣無遺蓋公諳吏弊
深及陞任湖北臬使卽嚴例限杜株連衡功過爲賞

罰讞結至四千餘起旋補河南布政護撫篆值彰德民李有軍等赴京燒香被邏獲供有堆金會名目特旨飭查公稔知豫省民俗多醜錢爲社會報賽酬神或赴名山祈福非匪教比因訪查得實悉

奏原之嘗言折獄務哀矜案無大小至誠推鞠決無遁情故公所定讞人無怨詞皆曰栗使君仁明吾不忍欺也公慈祥愷惻根於至性所在遇災荒力籌賑撫若飢溺在身於署溫縣也以境毗災區民鮮食請發倉接濟偶拂上官某意至以去就爭卒如懇乃已代理

渾源州續志

卷六

人物政事

三十三

西華時晚穀被霜萎民大饑詣府請賑且展緩錢糧府以早秋旣登業報中稔礙難再轉公泣陳情形始得上請會滑縣亂西華隆勝溝向連滑境公慮飢氓被煽惑按查災戶散穀施粥有棄嬰兒者卽收養或資送歸益倡捐勸賑時米價騰涌請開倉平糶上憲以未候批示怒其專嚴斥駁公賑貸不輟紳民感奮咸願代賠會憲廉知得解明年接署縣事值春疫盛行按戶給醫藥邑士俗懼病傳染危卽委棄道途嚴諭禁獲全者多未幾補甯陵縣西華紳民泣留數千

人攀轅不絕甯陵本前遭歲荒嘉慶十八年河決睢州邑當要衝小民蕩析離居幾絕煙火奉

恩旨蠲緩錢漕至二十一年啟征而民力猶拮据公到卽察知凋敝念數年所短責一年並納生計益蹙因去差徭停催科詳請豁免十八九兩年逋虧及前十二年以後積欠並將二十二十一兩年錢漕按年緩征其十八年未被災以前長完丁耗更劃抵二十三年隄工方價銀兩赴省面陳細情大憲以昔年雖有豁免舊案并無將數年正賦全豁者疑不決公曰

渾源州續志

卷六

人物政事

三十四

朝廷保民若赤若爲請命縱無成案亦必仰邀

恩准况有成案可比照乎再三請護撫吳據情入

告蒙

恩俞允民慶再生道光辛巳調補武陟縣縣濱黃沁大府嚴公以隄工修守合宜保同知直隸州先用會因協濟黃沁廳稽料後期姚撫軍奏鑄升職公弗介事益奮勤值積雨久沁流蕩潏韓村黃隄決憂民轉徙失業亟請蠲緩新糧以堵合漫口功程中丞奏復原職而武陟沙壓地畝歷年查丈未清民苦累公親周勘

請豁舊漕汰除歲攤車馬埽橋各工費先後捐墊錢
及萬緡蓋居州縣時其勤民事已如此故撫軍程保
公才堪大用旋由汝甯調補開封府因慮祥符倉儲
未裕不足備凶荒陳請藩司以漕運經費銀歲節損
三千兩向由府發縣備公用若撥移修倉按年買穀
則民食永賴因名倉曰司備倉當陞任湖北臬使護
藩政也適荊州各處江水漲漫公勘災給賑事必躬
親既分別詳請蠲緩而是年淫雨不息再攝藩篆值
江漲頻仍災區踵多湖北向無辦賑成案卽移取豫
省近案推行且籌設粥賑各屬以粥賑弊繁不若分
給錢米公曰散錢米則次貧亦可冒領施粥則非飢
民不就食第擇誠實爲領首嚴稽查何弊之足虞因
倡捐千金勸士商普助得銀三十餘萬計每市價一
石抵倉值二石施粥可展數月期乃取捐銀儲庫按
各屬捐數請先動倉穀俟估賤買還手定煮粥條規
江夏漢陽兩縣活飢民十餘萬人凡施粥七月有餘
冬給綿衣民無失所者及補河南布政也因陳留等
十六州縣有秋後應帶征歷年緩賦及他雜款公念

荒災以後同時並納民困難支卽詳蒙奏准分年遞
征更於勘辦商虞廳險工續查明祥符上蔡等四十
州縣被水失業村莊除奏准分別賑緩外其災區內
有歷年展緩至次年並征者兼請分別遞緩嗣護撫
篆尤請將滎澤祥符等十餘州縣水淹沙壓地畝暨
歷年積歉村莊新舊糧漕均歸分年遞緩帶征

旨皆允行其在河防先後興築隄壩胥以工代賑旣通變
宜民而沿河府縣並令設船護救餅餌席片口按災

黎分給擘畫所周無纖漏焉道光

壬辰
丙申

本籍旱蝗相

渾源州續志

卷六

人物政事

三十六

仍捐卹計萬有奇州境獲安閭里咸歸其義平生樂
獎拔才俊所至務培文教祥符舊有二程及孟子祠
日久塌毀急修復並其書院加整新俾孟程後裔講
習其中汝甯習俗剽悍念疎教化飭廣鄉塾導禮讓
俗以漸馴開封立義學十區郡屬倣增至三百餘所
絃誦聲相聞會省院肄業眾房舍不能容益營宏敞
地添建彝山書院雖童穉得受業士以是爭自濯磨
貢院爲省賓興總匯豫省旣由公增修秉臬湖北更
以闡地低窪土多致疾卽倡修移爽塏士林感悅山

東濟甯書院曰漁山捐益經費銀四千貲皆公籌而
渾源之恒麓書院者尤公少時讀書處也寒俊缺膳
養阻羣萃觀摩增千緡滋息手爲文勒石垂永久州
人仰之此外善舉不一大者若河南之獲嘉光州汝
甯山東之濟甯嘉祥各文廟並濟郡城垣胥倡整修
貲絀至稱貸以藏於鰥寡孤獨尤加矜恤由渾源及
莅官所到凡孤貧育嬰掩骼埋胔無不厚加貲糧期
推實惠下至橋梁道路之屬遇有傾圯必汲汲修舉
本籍唐家莊石壩及河南洪縣甯陵羅山祥符等處

渾源州續志

卷六

人物政事

三十七

往來各橋山東濟甯十二連橋皆是也公之除莠衛
良也淇縣巨蠹李得者以土豪雄鄉里人莫敢誰何
公取實法一境帖然安陽多賭匪麀集民傾產或流
爲盜公捕治窮窩巢積害頓除光州界連楚皖捻梟
恣出入民健訟控輒羅織數十人公清訟源懲棍蠹
殲捻魁張懷舉匪胥斂跡而民獲安嘗因查災至滑
縣察滑民習不軌謀逆有端強忠烈公時爲宰公勸
密防且往白郡守郎某守不屑意未幾事發眾高其
遠識每御眾以寬接僚屬布公開誠謂人才難得當

棄短取長若甘自菲薄則黜之無枉故所選用皆當
其職素嚴操守居官務絕賁緣安陽富戶某因訟牽
累公原情訊釋某餽金千郤弗受河內有因案擬罪
獄久懸者公迅結其人家素封以公奉諱齎金三千
爲賻請至再卒拒之泊爲河督益崇節儉屏浮華蘭
儀爲防汛駐節地商賈貨珍輻輳人無敢市奇嘗公
沿河編戶數苦徭役公憫其瘁戢僕從毋絲擾資斧
胥自備吏無緣爲奸居家孝友事親必得歡心妣白
太夫人棄養時公年甫十三卽哀毀如成人奉繼慈

渾源州續志

卷六

人物政事

三十八

孫太夫人若所生父資政公歿甯陵任所公號痛哭
漬衣成血紳民赴弔者至數萬人歸櫬所經舊治奠
酌踵塗或爲儀衛導從觀此知其得民深矣公少耽
書史晚猶弗倦讀書求經濟實學顏所居曰毋自欺
室尤好呂新吾先生實政錄謂體用兼備悉取全書
梓行復捐刻唐詩近光集時文規範及諸先儒名宿
遺集後人無力刊刻者悉搜羅鐫布不使湮沒自著
有毋自欺室奏疏及雜體各文稿家藏待梓惟所作
治河攷輒工略惜未及脫藁而公已卒嘗言古人仕

學不分今多忘本色仕則以頭巾氣爲迂腐此大惑也居官作事須有定識苟可以利國安民必當身任其責毋爲謗議所沮天下事無大小非親歷不能深知若徒局外揣測無真心貫注臨事必依違兩可非調停卽推諉豈所謂心存君國者故於治河所創拋輒築壩法雖議者紛難而一意孤行中立不倚賴天子察誠蓋先後所請悉允行大勳卒就時朝廷方資倚任竟因勞感風疾臨危猶以未報國恩勛僚屬協心同力永固汛防毋貽

渾源州續志

卷六

人物政事

三十九

宸垣宵旰憂遺疏入奉

上諭曰栗毓美持躬端謹辦事實心自擢任河督以來愼厥修防安瀾奏績本年京察特予交部議敘河工劇要倚畀方深遽聞溘逝殊堪悼惜著加恩照總督例賜卹任內一切處分悉予開復

天恩高厚備極哀榮喪歸豫民沿途哭奠遠者赴殯次致祭亘千餘里弗絕平生與人談論惟勸端品節勵躬修而度量恢廓容人所不能容以挾小嫌利人危險爲大戒友愛諸弟養育教誨曲盡肫誠倍賙卹鄉里

親族待舉火甚眾其在官遺績尚有濬安陽舊渠課甯陵蒔樹開封添修闈院湖北行水保甲豫省去供應彌舊虧立收支散冊勾稽隱漏及奏撤桐柏鹽廠增演營陣設學教兵丁子弟此皆猷爲之大者林文忠墓誌皆詳及之此不復紀公生乾隆四十三年八月二十八日亥時卒道光二十年二月十八日子時享壽六十有三葬州城東三里 賜塋配

誥封夫人例晉一品夫人吳後公數年卒子二長烜廩貢生由刑部郎中仕終甘肅涼州府知府權甘涼兵備

渾源州續志

卷六

人物政事

四十

道次燿道光乙未科舉人以公

恩卹賜進士仕終湖北按察司布政使另有傳孫三長國華觀察公烜出拔貢生

朝考二等以知縣用分發湖南後仕終廣東候補知府早卒次國賢國良皆方伯公燿出國賢附貢生候選郎中現以知府需次湖北補用國良太學生刑部廣東司員外郎加花翎知府銜遇缺卽選知州儘先補用同知直隸州知州曾孫六人恩浩恩源孫國華出恩浩光緒五年優貢生

朝考二等以教職用恩鴻恩藻孫國賢出恩福恩壽孫
國良出俱幼學

贊曰自古賢達多矣當時則稱歿則泯焉公以河防
宣力弭災捍患卒障狂瀾至使所在尸祝由魯邦至
於燕薊祠祀徧三省存

褒顯烈歿崇

封號何其盛也慶流奕禩世濟忠勤宜矣哉

山西永甯州知州前翰林院庶吉士

實錄館協修兼署纂修候選知府賀澍恩謹述

渾源州續志

卷六

人物政事

四十一

